

禮書卷第六

皮弁

象邸

韋弁

爵弁

裳

皮弁

縫中貫玉以爲飾其衣用希十五升而裳素積



司服既朝則皮弁服

視朝視內外朝之事皮弁之服十

侯朝觀於廟則衮冕

弁師王之皮弁會五采玉璫象邸玉笄

故書

鄭司農云讀如馬會之會謂以五采束髮也玄謂會讀如大會之會會縫中也璫讀如薄借綦之綦綦結也皮

弁之縫中每貫結五采玉十二以為飾謂之綦詩云會弁如星又曰其弁伊綦是也邸下抵也以象骨為之

諸侯及孤卿大夫之冕韋弁皮弁弁經各以其等為之

而掌其禁令

韋弁皮弁則侯伯璫飾七子男璫飾五王亦三采孤則璫飾四三命之璫璫飾三再

命之卿大夫璫飾二玉三采

掌皮掌秋斂皮冬斂革春獻之遂以式

法頒皮革于百工士冠禮皮弁服素積緇帶素鞞

此為君視

朔之服也皮弁者以白鹿皮為冠象上古也積猶辟也

以素為裳辟蹙其要中皮弁之衣用布亦十五弁其色

焉皮弁笄爵弁笄緇組紘纁邊同篋賓受皮弁右執項

左執前進周弁殷哱夏收

弁素積

質不變聘禮賓皮弁聘服皮弁者朝聘主相尊公

側授宰玉楊降立

玉藻曰裘之楊也見美也又曰麤裘

裘皮弁時或素衣其裘同可知也君使卿韋弁歸饗餼五牢

變皮弁服韋弁君使卿皮弁還玉

于館

王圭也君子於王比德焉以之聘重德也覲禮至

于郊王使人皮弁用璧勞侯氏亦皮弁迎于帷門之外再拜士喪禮陳襲事于房中爵弁服純衣皮弁服詩淇澳曰會弁如星

及弁所以會髮箋云會謂弁之縫中飾之以玉繅繅而處狀似星也天子之朝服皮

視朝以口 鳩鳩其弁伊其箋云驥當作頡弁有頡者弁實

維伊何天子之朝皮弁以曰視朝賓之初筵側弁之

俄屢舞僭僭禮記檀弓周人弁而葬商人哱而葬曾子

問諸侯相見皮弁禮運冕弁兵革藏於私家非禮也郊

特牲祭之日王皮弁以聽祭報示民嚴上也皮弁素服

而祭素服以送終也玉藻天子皮弁以日視朝遂以食

三王共皮弁素積諸侯皮弁以聽朔於大廟皮弁下天子也君

衣狐白裘錦衣以裼之天子狐白之上明堂位朱干玉

戚冕而舞大武皮弁素積裼而舞大夏小記諸侯弔必

皮弁錫衰學記大學始教皮弁祭菜示敬道也皮弁天子之朝

服也祭菜禮先聖先師雜記大夫卜宅與葬日有司麻衣布衰布

帶因喪履緇布冠不韡占者皮弁有司占人也麻衣白布深衣而著衰焉及

純凶皮弁則純吉之尤者也子羔之襲也皮弁一爵

弁一孔子曰尸弁冕而出卿大夫士皆下之祭義君皮

弁素積朔月月半君巡牲古者天子諸侯必有公桑蠶室

大昕之朝君皮弁素積卜三宮之夫人世婦之吉者使

入于蠶室書曰王與大夫盡弁以啓金滕之書四人綦

弁執戈上刃夾兩階祀綦文鹿子皮弁亦士後漢輿服志委貌冠

皮弁冠同制長七寸高四寸制如覆杯前高廣後卑銳

所謂夏之母追商之章甫者也委貌以阜綃為之皮弁

以鹿皮為之行大射禮於辟雍公卿諸侯大夫行禮者

冠委貌衣玄端素裳執事者冠皮弁衣緇麻衣阜領袖

下素裳所謂皮弁素積者 周禮弁師王之皮弁會五

采玉璫象邸玉笄諸侯及孤卿大夫之冕韋弁皮弁弁

經各以其等為之儀禮士冠爵弁服纁裳純衣緇帶皮

弁笄爵弁笄緇組紘纁邊賓同篋受皮弁右執項左執前鄭

康成曰皮弁者以白鹿皮為之蓋皮弁存毛順物性而

制之文質具焉韋弁去毛違物性而又染之文而已凡

在下者為是基可以託宿者為邸玉璫則縫中貫玉而

施於下者也象邸則下抵用象而託以皮者也謂之雅邸

賈公彥曰邸下抵也謂於弁內項上以象骨為抵然謂

之抵不特施於項上魏臺訪議曰邸以象骨周緣弁下

根抵然則魏武所作諸侯及孤卿大夫之韋皮弁各

以其等為之鄭康成曰侯伯璫飾七子男璫飾五玉亦

三采孤璫飾四三命之卿璫飾三再命大夫璫飾二玉

亦二采於理或然推此則公之玉九天子之玉十有二

又可知也詩曰會弁如星言其玉也說文引詩體弁如

髮者此又曰其弁伊騏書曰綦弁執戈言其文也毛氏

不可據又曰其弁伊騏書曰綦弁執戈言其文也毛氏

文也孔安國曰綦文鹿蓋綦者陰陽之雜故禮以綦組

纓為士之齋冠綦組纓為世子佩詩以綦巾為女巾皆

其未成德者之服也則士弁以綦宜矣弁師言卿大夫

等為之則士康成讀玉璫為綦以綦為結是臆說也記

曰三主共皮弁素積語曰素衣麕裘則素衣其衣也素

積其裳也士冠禮皮弁素積緇帶禮記雜帶君朱綠大

夫玄華士緇帶則士之皮弁緇帶與君大夫皮弁之帶

異矣士冠禮皮弁笄爵弁緇組紘纁邊弁師王朱紘禮

記天子朱紘諸侯青紘則士皮弁緇組紘與天子諸侯

皮弁之紘亦異矣蓋皮弁天子以視朝以宴詩曰側以

聽祭報以舞大夏諸侯以聽朝以巡牲以卜夫人世婦

以迎王之郊勞以待聘賓卿大夫以王命勞侯氏以聘

於鄰國以下宅士以冠學士以釋菜凡大夫士之朔月

皆皮弁服則皮弁之所施者衆矣蓋人為者多變自然

者不易皮弁因其自然而已此所以三王共皮弁素積

而周天子至士共用之也然喪服小記諸侯弔必皮弁錫衰郊特性大蜡皮弁素服葛帶榛杖以送終則弁雖與吉禮同而服與吉服不同

韋弁附爵弁



周禮司服凡兵事韋弁服韋弁以韎韋為弁又以為衣之韋春秋傳曰晉郤至衣韎韋緹衣古兵服之遺色弁師諸侯及孤卿大夫之冕韋

弁皮弁弁經各以其等為之而掌其禁令韋弁皮弁則

子男璣飾五玉亦三采孤則璣飾四三命之聘禮君使

卿韋弁歸饗餼變皮弁服韋弁敬也其服夕夫人使下

大夫韋弁歸禮荀子曰士韋弁士冠禮爵弁服纁裳純

衣緇帶韎韎此君與祭之服雜記曰士弁而祭於公

然或謂之緇其布三十升皮弁笄爵弁笄緇組紘纁邊同篋爵弁皮

弁緇布冠各一匱昏禮王人爵弁纁裳緇袍書曰二人

雀弁執惠立于畢門之內爵韋禮記檀弓天子之哭諸

侯也爵弁經紘衣雜記大夫冕而祭於公弁而祭於已

士弁而祭於公冠而祭於已弁爵弁也冠玄冠也祭於

祭於已士弁而親迎然則士弁而祭於已可也子羔之

襲也皮弁一爵弁一公襲爵弁二成廟則釁之其禮祝

宗人宰夫雍人皆爵弁純衣喪大記復士以爵弁後漢

輿服志爵弁一名冕廣八寸長尺二寸如爵形前小後

大繒其上似爵頤色有收特笄所謂夏收商喙者也弁

師諸侯及孤卿大夫之冕韋弁皮弁弁經各以其等為

之司服凡兵事韋弁服聘禮君使卿韋弁歸饗餼鄭


氏釋周禮謂以韎韋為衣裳春秋傳曰晉郤至衣韎韋

之跗注是也釋聘禮謂韎布以為衣而素裳既曰韎韍
為衣又曰韎布為衣既曰韎韍為裳又曰素裳蓋以軍
國之容不同故也然賈服之徒謂韎韍之跗注者袴屬
於足跗也袴屬於足跗則非衣也詩於兵服曰制彼裳
衣與子同袍與子同裳載是常服春秋傳曰衾服振振
則兵事上下同服矣詳不可知也或曰周禮有韍弁无
爵弁書與冠禮禮記有爵弁無韍弁士之服止於爵弁
而荀卿曰士韍弁孔安國曰雀韍弁也劉熙釋名亦曰
以爵韍為之謂之韍弁則爵弁即韍弁耳觀弁師司服
韍弁先於皮弁書雀弁先於綦弁孔安國曰綦
弁皮弁也士冠禮
次加皮弁三加爵弁而以爵弁為尊聘禮主卿贊禮服
皮弁及歸饗餼服韍弁而以韍為敬則皮弁之上非韍
弁則爵弁耳此所以疑其為一物也爵弁士之祭服而

王服之者王哭諸侯服爵弁而即戎服之弁士冠禮爵
弁服纁裳純衣緇帶昏禮主人爵弁纁裳緇施檀弓天
子哭諸侯爵弁紵衣書二人雀弁執惠立於畢門之內
雜記復諸侯以褒衣冕服爵弁服子羔之襲皮弁一爵
弁一玄冕一釁廟祝 宗人宰夫雍父皆爵弁純衣則爵
弁雖一之祭服而天子諸侯大夫皆服之鄭氏謂爵弁
冕之次制如冕但無纁耳其布三十升然古文弁象形
則其制上銳若合手然非如冕也韍其質也爵其色也
其筭紘玉飾各以其等為之如皮弁制鄭氏釋士冠禮
謂爵弁赤而微黑如爵頭然則赤多黑少矣釋巾車又
曰雀飾黑多赤少然雀之色固赤多而黑少鄭氏為之
二說是自惑也其言韍弁
赤亦無據

裳

裳有纁有素黃有玄有緇
施明衣之裳纁緇其色
推此可知



易曰黃帝堯舜垂衣裳而天下治蓋取諸乾坤詩綠衣
 曰綠衣黃裳終南曰君子至止黻衣繡裳七月載績載
 玄載黃我朱孔陽為公子裳祭服玄衣纁裳九戩曰我覲之子
 衮衣繡裳東山曰制彼裳衣勿士行枚裳衣兵曲禮童
 子不衣裘裳大夫士去國素衣素裳王藻曰衣正色裳間色
 特性曰三王共皮弁素積以素為裳積是其要巾書曰王麻冕黼

裳卿士邦君麻冕蟻裳太保太史太宗皆麻冕形裳蟻

纁也士冠禮主人玄冠朝服玄冠委貌也朝服者十五

者與冠爵弁服纁裳純衣皮弁服素積玄端玄裳黃裳

雜裳可也玄端即朝服之衣易其裳耳上士玄裳中士

天地之雜也黃昏禮主人爵弁纁裳緇布也特性饋食

禮及筮日主人冠端玄特性記其服皆朝服玄冠緇帶

緇鞞唯尸祝佐食玄端玄裳黃裳雜裳可也皆燕鞞喪

服凡衰外削幅裳內削幅幅三衿衿者謂兩側空

無數凡裳前三若齊裳內衰外齊緝也凡五服之衰一斬

者外爾雅曰裳削幅謂之襜深衣之裳明衣裳見明深

衣裳見深衣門

深衣之裳十有二幅短毋見膚長毋被土喪服裳內削

幅幅三衿士喪記明衣有前後裳不辟長及蔽鄭氏曰

衿者辟兩側空中央也祭服朝服辟積無數月裳前三幅後四幅賈公彥曰前為陽後為陰前三後四象陰陽也然則明衣裳不辟喪裳三衿則吉裳不特三衿而已明衣長及靸則凡裳不特及靸而已明衣裳縗縗縗純士昏禮爵弁纁裳緇袍曲禮素衣素裳素冠徹緣則凡裳有緣可知也玉藻曰衣正色裳間色然冕服玄衣纁裳皮弁服素衣素裳諸侯朝服緇衣素裳士爵弁服緇衣纁裳玄端服有玄裳黃裳雜裳玄端服惟三裳而已昏禮使者玄端鄭色同緇衣非正色也黃素之裳非間色也蓋衣之玄緇所以象天道裳之黃所以象地德素陰之正也亦可以為裳纁陽之間也不可以為衣是衣之色常尊裳之色

常卑非必衣色皆正裳色皆間也記且云爾者豈非以玄為天之正色纁非地之正色乎書言王麻冕黼裳卿士邦君皆麻冕纁裳太保太史太宗皆麻冕彤裳孔安國曰纁裳玄彤裳纁詩曰毳衣如璠又曰載玄載黃我朱孔陽為公子裳蓋裳以纁為主纁赤黃色以土無正位必託於火故也若夫玄裳素裳之類各象其事而服之孔穎達曰書之卿士邦君非執事者也故玄裳太保太史太宗執事者也故彤裳其說是也爾雅曰裳削幅謂之襜郭氏曰削殺其幅深衣之裳然喪服裳亦削幅其不削幅者帷裳而已孔子曰非帷裳必殺之詩曰漸車帷裳雜記曰緇布裳帷則車與棺之飾音曰帷裳孰謂深衣之裳乃削幅耶

禮書卷第六終

禮書卷第七

五色
間色

緣


虞皇

夏收

商啤

五色

間



考工記曰東方謂之青南方謂之赤西方謂之白北方
謂之黑天謂之玄地謂之黃染人春暴練夏纁玄秋染
夏鍾氏染羽以朱湛丹秫三月而熾之淳而緹之三八
為纁五入為緹七入為緇爾雅曰一染謂之緇再染謂
之緹三染謂之纁鄭氏曰緹今禮作爵如爵頭色又染
以黑乃成緇矣凡玄色在緹緇之間其六入者歟又曰

三八為纁四入為朱歟爾雅蓋青赤玄黃白黑正色也
綠紅碧紫纁緹緇間色也五行之理有相生者有相尅
者相生為正色相尅為間色故甲巳合而為綠則綠者青
黃之雜以木尅土故也丙辛合而為紅則紅者赤白之
雜以火尅金故也乙庚合而為碧則碧者青白之雜以
金尅木故也丁壬合而為紫則紫者赤黑之雜以水尅
火故也孔子曰君子不以紺緹飾淮南子曰以涅染紺
則黑於涅涅黑色也禮文緹或作爵說文緹為青赤色
紺為深青色則紺黑於緹矣鄭賈之徒謂纁入黑則為
紺紺入黑則為緹不可考也說文又曰緇黑色綠青黃
色絳大赤也纁淺絳也緇赤黃色紅赤白色緹蒼艾色
縹與紫青赤色紫青赤色而與緹色不異其說誤也然
則考工記績事則青白赤黑玄黃而對方纁事則青赤

虞皇鄭氏曰皇冕屬畫羽飾焉凡冕屬其服皆玄

夏收 商皞

世本云黃帝造冕史記云堯黃收純衣王制云有虞氏
皇而祭夏后氏收而祭商人皞而祭郊特牲与冠禮記
云周弁商皞夏收鄭氏釋王制謂皇冕屬也畫羽飾焉
釋冠禮記謂弁名出於槃槃大也言所以自光大也皞
名出於憮憮覆也焉所以自覆飾也收言所以收斂髮也白
虎通曰弁攀也攀持其髮此雖不可以攷然周禮掌次
之皇郊樂師之皇舞皆以鳳凰之羽為之則皇冕畫羽
飾可知也王制以皇收皞對冕言之又孔子稱禹致美
乎黻冕詩稱商之孫子常服黼皞皞者猶所謂黻
冕也冠禮記與郊特牲以收皞對弁言之者三王共皮
弁素積則夏商而上非無弁也然世之文質煩簡不同
故夏商之用冕者周或用弁而已檀弓曰周人弁而葬

商人皞而葬范氏曰爵弁一名冕廣八寸長尺一寸緇其上似爵頭色有收特弁所謂夏收皞皞者其說不可考

禮書卷第七終

禮書卷第八

冠制

母追冠

委貌冠

太古緇布冠

後世緇布冠

冠制

司服凡甸冠弁服

甸曰獵也其服緇布衣亦曲禮父母素積以為裳諸侯為朝服

存冠衣不純素

深衣曰具父孤子當室冠衣不純采

壯有室有代親之端不為孤也當室適子也深衣曰孤子衣緇以素大夫士去國素衣素

裳素冠徹緣厭冠不入公門檀弓曰古者冠縮縫今也

衡縫今冠橫縫以其碎積多

故喪冠之反吉非古也六六縣邑公

卿大夫士厭冠哭於太廟將軍文子之喪既除喪越人

荀卿稱魯公問舜冠於孔子孔子曰古者有務而向領
書大傳務作漢輿服志曰上古衣毛而冒皮後世聖人

見鳥獸有冠角類胡之制遂作冠冕纓綫以為首飾則

古者冒而已及冠冕纓綫之作皆有所象也檀弓曰古

之冠也縮縫今也衡縫故喪冠之反吉非古也雜記曰

三年之練冠亦條屬右縫吉冠不條屬者通屈一條繩若布為武垂下為纓屬之冠

吉冠則纓武異材右小功以下左左辟象蓋一幅之材

順經為辟積則少而質順緯為辟積則多而文順經為

縮縫順緯為衡縫古者吉凶之冠皆縮縫今吉冠衡縫

而喪冠縮縫是喪冠與吉反矣故記者譏之右為陰左

為陽凶陰事也大功以上右辟而縫之所以明凶也吉

陽禮也小功以下左辟而縫之所以趨吉也其飾有緣

其貫有笄其束有武其係有纓其垂有綫記曰素冠微

緣又曰縞冠素紕則冠有緣矣國語曰范文子擊以杖

折委笄則冠有笄矣居冠屬武則凡非居冠不屬矣喪

冠不綫則凡吉冠皆綫矣古之冠其飾不過纓武緣其

名不過毋追章甫委貌而已後世有長冠通天遠遊高

山竹皮進賢方山巧士却非却敵之制而其異有若鷓

冠鷓冠其恠者有漉酒墊角之類非古也

毋追冠狀如覆



郊特牲士冠禮記曰委貌周道也章甫商道也毋追夏

后氏之道也鄭氏謂委猶安也言所以安正容貌章明

也所以表明大丈夫也毋發聲也追猶堆也夏后氏行

以其形名之三冠皆所服以行道白虎通曰夏十三月

為正其飾最太故曰毋追毋追言其追大也商十二月
為正其飾微大故曰章甫章甫者尚未為極其本相當
也周十一月為正万物萌小冠飾最小故曰委貌委貌
委曲有貌也漢輿服志曰委貌冠皮弁冠同制長七寸
高四寸制如覆杯前高廣後卑銳所謂夏之毋追商之
章甫者也委貌以卑繒為之然考白虎通所言則三冠
之制異輿服志所言則三冠之制同禮文殘缺其制度
名義莫究其詳大抵吉冠左辟喪冠右辟吉冠內畢喪
冠外畢吉冠圈喪冠厭吉冠玄喪冠素吉冠不條屬喪
冠條屬吉冠綏喪冠不綏吉冠緣喪冠不緣居冠屬武
非居冠不屬武此其略也禮圖謂毋追有覆杯之狀於
義或然鄭司農釋周禮言夏后氏之牟追蓋古者牟母
通用也內則有敦以牟卮匱而牟乃食器則覆杯之說

蓋有所傳也記曰大古冠布則毋追章甫委貌不以布
矣孔穎達謂三冠皆緇布為之誤也漢用卑緇記曰幼名冠
字五十以伯仲死謚周道也毀宗躡行出于大門商道
也直情而徑行戎狄之道也則所謂委貌周道章甫商
道毋追夏后氏之道者義亦若此鄭氏謂服以行道誤也
章甫冠

論語曰端章甫儒行曰孔子冠章甫之冠莊子曰孔子
冠枝木之冠蓋枝木之冠即章甫也枝木其卹也者喪
冠厭而無卹吉冠卹而不厭章甫之卹枝木猶皮弁之
卹象歟


委貌冠 釋名曰委貌
上小下大



論語曰羔喪玄冠不以弔左傳劉定公謂趙孟吾與子
弁冕端委以治民臨諸侯晏平仲端委立于虎門國語
晉侯端委以入武宮董安于曰臣端委以隨宰人蓋端
衣委貌士以為祭服大夫士以為朝服私朝天子至士
亦以為齊服故劉定公晉侯董安于皆得以服之范文
子以杖擊其子拚委笄士冠禮緇布冠有纓無笄則委
貌與緇布異矣

冠纓

緇布冠纓



儀禮緇布冠缺項青組纓屬于缺賓筵前坐正纓右手
執項左手執前郊特性曰大古冠布齊則緇之其纓也
孔子曰吾未之聞也冠而敝之可也玉藻曰始冠緇布
冠諸侯下達曰緇布冠纓纓諸侯之冠雜記曰大白緇
布之冠不韠又曰大夫卜宅與葬日緇布冠不韠詩曰
彼都人士臺笠緇撮蓋緇布冠有前有項纓屬于缺無
纓焉後世以尊者不可以無飾故加纓纓玉藻曰緇布
冠纓纓諸侯之冠則卑者無纓可知也緇布冠蓋用之
於始冠及大夫之卜宅與葬日而已庶人或以為常服
也用之於始冠則玄端玄裳黃裳雜裳緇帶爵鞞用
之於卜宅與葬日則有司麻衣布裘布帶因喪履若庶
人則深衣焉賈氏曰庶人雖服委貌而儉者服緇布其
詳不可考也鄭氏謂緇布缺項者缺讀如有頰者弁之

類緇布冠無筭者若類圍髮際結項中隅為四綴以因冠
 然詩以類為弁之貌則類非缺資項矣鄭氏說缺項之
 制蓋有所傳讀缺項為類無所經見緇布冠謂之緇撮
 則無梁矣漢志謂緇布冠為進賢冠公侯三梁中二千
 石至博士兩梁私學弟子一梁唐制天子五梁三品以
 上三梁五品以上二梁九品以上一梁非古也

禮書卷第八終

禮書卷第九

冠

天子始冠之冠

諸侯始冠之冠

士齊冠

子姓冠

既祥冠

天子始冠之冠

玄冠朱組纓



諸侯始冠之冠

緇布冠
績綏



玉藻曰玄冠朱組纓天子之冠也緇布冠績綏諸侯之冠也鄭氏曰皆始冠之考之於禮始冠緇布冠自諸侯下達則諸侯所以異於大夫士者績綏耳天子始冠不以緇布而以玄冠然其子則猶士而已以天下無旌貴也唐志天子始冠緇布冠五梁非古也玄冠朱組纓則綏可知也緇布冠績綏則纓可知也朱以著正陽之色績以備五采之文

五采雖美不若正陽之純純其飾所以異也國語委貌有笄士冠禮緇布冠無笄則天子始冠之冠有笄諸侯始冠之冠無笄明矣家語大戴禮公冠四加玄冕賈公彥謂天子宜五加衮冕觀成王加元服其頌曰去幼志心衮職則五加衮冕可知

諸侯齊冠

玄冠丹組纓



士齊冠 玄冠綦組纓
綦蒼艾色



周官司服其齊服有玄端素端記曰太古冠布齊則緇
之又曰齊之玄也以陰幽思也又曰齊玄而養又曰玄
冕齊戒鬼神陰陽也又曰玄冠丹組纓諸侯之齊冠也
玄冠綦組纓士之齊冠也荀卿曰端衣玄裳纁而乘路
者志不在於食葷蓋太古之齊冠以緇周之齊冠以玄

天子齊則玄冕而端玄所謂纁而乘路是也諸侯而下
玄冠玄端而已所謂玄冠丹組纓玄冠綦組纓是也然
則諸侯與士之齊則同而尊卑之分則異同故皆玄冠
以一其誠異故組纓殊色以辨其等諸侯丹組纓則陽
而已以其純於德故也士綦組纓則陰陽雜矣以其不
純於德故也說文綦作緹綦蒼艾色也詩以綦巾為女
巾書與詩以騏弁為士弁禮以綦組為世子之佩綬皆
德未成者之禮也孔子佩象環而綦組纓則其義異
此矣天子諸侯大夫齊祭異服特天子玄冕以祭羣小
祀其冕蓋與齊同而其異者玄服玄端而已士之齊祭
一於冠端玄其冠蓋與朝服之冠同其異者組纓之色
而已然則武王端冕以奉丹書則天子齊而端冕信矣
諸侯昏禮玄冕齊戒魏文侯端冕聽古樂則昏以玄冕攝

盛也魏文侯之端冕非攝盛則僭也鄭康成釋旅賁謂會同賓客王亦齊服服衮釋冕司服以齊服玄端為士禮此說非是

子姓冠

編冠玄武其制厭




國語言帥其子姓及國子姓詩言振振公姓喪大記言子姓立于西方玉藻言編冠玄武子姓之冠蓋孫之傳姓謂之子姓子姓之於大父母服替而已編冠玄武以父之喪服未終而子不敢純吉故也以編為之則無綏

可知

既祥冠

編冠素紕其制厭無綏



玉藻曰編冠素紕既祥之冠也喪服小記曰除成喪者其祭也朝服編冠雜記曰祥主人之除也於夕為期朝服又曰既祥雖不當編者必編然後反服間傳曰大祥素縞麻衣則是大祥之祭編冠朝服而有嚮於吉既祥則素縞麻衣而未忘乎哀則祥與既祥之冠同而其服異

禮書卷第十

惰游冠

不齒冠

大白冠

黃冠

黃衣

深衣

長衣

惰游冠

編冠素紕其制厭垂綫于



王藻曰編冠素紕垂綏五寸惰游之冠也王藻編冠素
紕既祥之冠也小記曰除成喪者其祭也朝服編冠
蓋士之失位曰喪人其服飾則素衣其相見則弔惰游
失業之士也編冠素紕垂綏五寸宜矣先王之於民縣
正趨其稼事而賞罰之載師凡宅不毛者有里布田
不耕者出屋粟無職事者出夫家之征閭師不畜者祭
無牲不耕者祭無盛不樹者無椹不蠶者不帛不績者
不衰夫旌之以賞困之以罰阨之以禁亦已至矣又垂
綏五寸所以深激而勸之也周官司寇以野刑上功糾
力士師有野禁漢世有田律然則編冠素紕垂綏五寸
蓋野刑之類也

不齒冠

玄冠
緇武



周禮大司寇以圜土聚教罷民凡害人者寘之圜土而
施職事焉以明刑恥之其能改者反于中國不齒三年
其不能改而出圜土者殺司圜掌收教罷民凡害人者
弗使冠飾而加明刑焉任之以事而收教能改者上罪
三年而舍中罪二年而舍下罪一年而舍其不能改而
出圜土者殺雖出三年不齒不齒者不得以
年次列於平民王制將出
學小胥六胥小樂正簡不帥教者以告于大樂正大樂
正以告于王王命三公九卿大夫元士皆入學不変王
親視學不変王三日不舉屏之遠方西方曰棘東方曰寄
終身不齒王藻曰玄冠緇武不齒之冠也

惰游之責輕於不齒編冠素紕垂綏五寸重於玄冠緇
武惰游之辱則重而不齒之辱則輕何也蓋惰游者一
時之過不齒之辱不特一時而已苟變惰游以趨職事

則縞冠垂綉弃之可也若夫玄冠縞武或服之終身或服之三年先王豈忍重其辱於悠久哉然則以重馭暫義也以輕馭久仁也義故民畏其威仁故民懷其德夫是孰不勵業而迁善乎子姓之縞冠玄武則凶其上不齒之玄冠縞武則凶其下凶其上以父之有服故也凶其下以下之自貽故也

大白冠其制厭不綉




喪禮成服布冠小祥練布冠大祥縞冠布冠春秋傳所謂大白之冠是也縞冠詩所謂素冠是也雜記曰喪冠條屬以別吉凶又曰大白冠緇布之冠不黧委武玄縞而後黧是條屬則不委武不委武則不黧委武玄縞而

后黧則玉藻所謂大帛不綉者乃雜記所謂大白也鄭氏以帛為白於說是也

黃冠




黃衣



記曰皮弁素服而祭素服以送終也葛帶榛杖喪殺也
 黃衣黃冠而祭息田夫也野夫黃冠黃冠草服也然則
 皮弁素服而祭者蜡祭四方百物也黃衣黃冠而祭者
 臘先祖五祀也蜡以息老物故服送終之服而以皮弁
 素服葛帶榛杖臘以息民故服田夫之服而以黃衣黃
 冠然周禮司服王祭羣小祀則玄冕鄭氏曰羣小祀林
 澤墳衍四方百物之屬也大宗伯以鬯辜祭四方百物
 鄭氏曰四方百物磔禳及蜡祭也王於蜡服玄冕而有
 素服與黃冠者蓋執事者之服歟史記堯有黃收漢有黃頭即蓋黃收冕也
黃頭賤者之帽也

深衣

鄭氏六用十五升布鍛濯正治蓋以雜
 記朝服十五升深衣其類也故云然



王制曰有虞氏皇而祭深衣而養老夏后氏收而祭燕
 衣而養老商人哂而祭縞衣而養老周人冕而祭玄衣
 而養老九養老之服皆其時與羣臣燕之服玉藻曰諸侯夕深衣祭牢肉又曰

曰姬榮愛為廣川王去刺方領繡服度曰如今小兒

正上方直晉灼曰今之婦人直領也繡為方領上刺作黼黻文王莽傳曰有人著赤繡

方領上服也馬援傳曰朱勃衣方領能矩步頸下施衿領正

方學者之服晉及隋唐天子冠通天冠白假帶方心曲

領深衣視肘以為袂殺袂以為祛三祛以為要倍要以

縫齊七寸續衽鉤邊則曲而當旁前後交合矣緣廣

寸半則純緇表裏共三寸矣袂圍以應天袷方繩直以

應地幅十二以應時及其歸也要在安志平心而已此

所以下齊如權衡以應平也具父母大父母純以續備

五采以為樂也具父母純以青體少陽以致敬也孤子

純以素存凶飾以致哀也先儒謂無父母有祖母亦純以青孤子純以

素小功純以緇則大祥緣以布吉時夕服緣以采矣虞

夏商周養老皆以燕服又周大夫士之於私朝朝玄端

夕深衣庶人吉服深衣而已則深衣在虞為燕服在周

以為夕與喪服以至大夫士庶人皆服焉此所謂可以

為文可以為武可以擯相可以治軍旅完且弗費善衣

之次也蓋文事則有冕弁服武事則有韋弁服而深衣

次之先儒以善衣為朝祭之服蓋舉一端明之也然則

深衣所以異於餘服者餘服上衣下裳而不相連深衣

則衣裳連矣餘服幅前三後四深衣則十二幅矣餘服

之帶三分帶下紳居二焉由帶以下四尺五寸深衣之

帶則當無骨者矣爾雅曰裳削幅謂之襜郭氏曰削殺


其幅深衣之裳然喪服裳亦削幅則凡裳皆然不特深

衣而已深衣曲袷如矩則其領方而已鄭氏謂如小兒

衣領服虔釋漢書謂如小兒郤襲衣而後世遂制方心

曲領加於衣上非古制也

長衣其制如深衣



玉藻言深衣袂可以回肘長中繼揜尺其為長衣中衣

若今襲矣深衣則緣而已雜記大夫筮宅則史練冠長衣以筮占者朝

服謂下大夫若士也筮史筮人也長衣深衣之純吉服也聘禮遭喪

將命于大夫主人長衣練冠以受人遭主國喪大夫攝主衣素純布衣也

黃易冠不以純凶揜純吉也鄭氏禮記目錄云深衣連衣裳而純之

以采者有表則謂之中衣孔穎達曰中衣之制與深衣同其異者中衣之袖小長耳玉藻言深衣之制而間以

長中繼揜尺深衣與長中同制異飾連裳方袷直繩旁

衽以至裳十二幅要三袪縫齊倍要之類此其所同也深衣之純以采若素長衣之純素而已中衣之飾繡黼丹

朱而與長衣又繼揜尺焉所謂揜尺者幅廣二尺二寸以半幅繼袂之末揜餘一尺長衣之揜以布中文揜或

素若布各象其衣然也若深之則緣而已此其所異也蓋以其衣裳邃焉故為之深衣以其袪襲長焉故謂之

長衣以其有表而在中焉故謂之中衣聘禮遭君夫人世子之喪將命于大夫主人長衣練冠以受喪服小記

大夫士筮宅史練冠長衣以筮則聘禮不以凶服接吉

而筮不以吉服卜凶是長衣所施趨於凶而非純凶也

禮書卷第十終

禮書卷第十一

諸侯中衣

大夫士中衣

衽

纒

髦

角西騎

組總

錦總


布總

明衣

明衣之裳


諸侯中衣

其制如深衣
其領繡黼



大夫士中衣

其領丹



長衣與深衣同以布中衣與長衣同揜袂深衣中衣用
於吉凶長衣用於凶而巳詩曰素衣朱襮又曰素衣朱
繡禮曰繡黼丹朱中衣大夫之僭禮也爾雅曰黼領謂
之襮蓋素以為衣繡黼以為領丹朱以為緣諸侯之服

也鄭氏謂讀朱繡爲朱絹誤矣禮曰以帛裏布非禮也蓋爵弁而上則表以帛而中衣亦帛皮弁玄冠則衣以布而中衣亦布故大夫祭於家而中衣必布士祭於公而中衣亦帛以其所以裏朝服與爵弁服異也檀弓曰練練衣黃裏鄭氏曰練中衣以黃爲裏則中衣亦有歟皇侃說凡祭服先加明衣次加中衣冬則次加袍夏則用葛次加祭服若朝服亦先以明衣次加中衣冬則次加裘裘上加裼衣裼衣之上加朝服如侃之說是中衣施於裘葛之下也然裘上之裼衣即朝服耳其言裼衣之上又有朝服是襲鄭氏之論也禮言繡黼丹朱中衣詩素衣朱襮朱繡說者皆以爲諸侯禮而天子領緣之制無聞漢明帝始以單紗爲之謂之中單范曄輿服志曰長冠以祀宗廟諸祀則冠之皆服衽玄絳緣領袖爲中衣絳袴

祿晉志天子祀天地宗廟冕服中衣以絳緣其領袖釋奠先聖則阜紗袍絳緣中衣其朝服通天冠絳紗袍阜緣中衣終之議公卿以下祭服裏有中衣即今之中單也明帝初詔有司採周官禮記尚書乘輿服從歐陽說公卿以下服從大小夏侯說祭服絳緣袖領爲中衣絳袴祿示其赤心奉神今中衣絳緣足有所明無俟於袴遂除之後齊天子平冕十二章緣絳中單又有通天冠絳紗袍阜緣中單朝服冠幘絳紗單衣白紗中單阜領袖阜襪隋志天子衮冕白紗內單黼領青襮襪裾祀圓丘方澤感帝明堂五郊宗廟社稷則服之通天冠絳紗袍白紗內單黼領青襮襪朝日受朝元會及冬諸祭還則服之自王公已下祭服白紗內單黼領青襮襪裾鷩冕已下內單青領爵弁從九品已上助祭則服之白絹

內單青領襍襜裙朝服亦絳紗單衣白紗內單阜領袖
阜襜唐志天子之服大裘冕白紗中單阜領青襍襜裙
衮冕白紗中單黼黻領青襍襜裙通天冠者冬至受朝
賀祭還燕羣臣養老之服也絳紗袍白紗中單朱領襍
襜裙皇太子衮冕白紗中單黼領青襍襜裙遠遊冠者元
日朔日入朝釋奠之服也絳紗袍黃裳白紗中單黑領
襍襜裙羣臣之服衮冕者一品之服也白紗中單黼領
青襍襜裙絳冕中單青領爵弁中單青領襍襜裙

衽



儀禮喪服傳曰衽二尺有五寸

衽所以掩裳際也二尺五寸

凡燕尾二尺五寸

王藻曰衽當旁

衽謂裳幅所交裂也凡衽者或殺而下或殺而上是

以小要取名焉衽屬衣則垂而放之

深衣曰續衽鉤邊

如鳥豕必鉤之鉤鉤邊若今曲裾正義謂以布若帛三尺五寸上下正各一尺其中一尺五寸耶裂之而得兩

衽上各二尺五寸兩旁皆有以掩裳際朝喪祭服之衽

廣上狹下而屬於衣深衣之衽狹上廣下而屬於裳是

以或殺而下或殺而上對之若小要然

問喪曰親始死扱上衽大記小歛

大歛祭服不倒皆左衽詩曰薄言結之薄言禩之爾雅

曰執衽謂之結扱衽謂之禩書曰四夷左衽論語曰被

髮左衽韓詩外傳曰衣成必缺衽管子曰振衽掃席鄭

氏釋喪服傳曰婦人不殊裳其服如深衣而無衽考工

記曰終歲禦衽不敝說文曰衾交也史曰歛衽而朝
衽所以掩裳際也深衣連裳故衽屬衣餘衣不連裳故
衽屬裳衣裳雖殊垂而放之一也故有事則或扱或執

是衽未嘗縫之以合也棺之小要謂之衽以其揜縫若
衣衽然非為小要而名之是衣衽皆狹上廣下未嘗有
殺上殺下之異也詩言婦人之采芣苢或桔衽或禨衽
是婦人之服未嘗無衽也衽之辨有上下其用有左右生
者上右記曰親始死扱上衽是也死者與夷狄上左記
曰小斂大斂祭服不倒皆左衽書曰四夷左衽語曰被
髮左衽是也士喪禮重窆用葦席左衽是亦死者上左
之意與

纒 緇色



內則子事父母雞初鳴盥漱擗紼笄總拂髦冠緇纒纒笄
未冠笄者漱擗紼拂髦總角士冠禮緇纒廣終幅長六
尺贊者坐擗設纒賓坐正纒特性禮主婦纒笄宵衣鄭
氏曰纒今之憤梁也纒一幅長六尺足以韜髦而結之
蓋擗以理髦而後纒以纒為紒然後笄古之言纒笄者
未有先笄而後纒也問喪曰親始死雞斯徒跣蓋雞斯
云者哭聲然也鄭氏改雞斯為笄纒恐不然也纒亦作
紼

髦 角繫

角 夾白
曰角



羈午達
曰羈



詩曰鬖彼兩鬖毛氏曰鬖者兩鬖之貌鬖者鬖至眉子事父母之貌鬖內則子事父

母擗縱笄總拂鬖冠綏纓男女未冠笄者擗縱拂鬖總

角鬖用髮為之象幼子生三月之未擇日剪髮為鬖男

角女羈否則男左女右鬖所遺鬖也夾白楊子曰羈角

哺果許慎曰鬖髮至眉左傳曰豈若弁鬖因而敝之王

藻曰親沒不鬖喪大記曰諸侯小斂脫鬖既夕禮士既

殯脫鬖孔穎達曰鬖者事父母之飾也父母有先死者

於死三日脫之服闋又著之若父母俱沒則因去之子

之幼也父母剪髮為之鬖及其長也因以為飾謂之鬖

有存而不忍弃所以順父母之心長而不志幼所以示

人子之禮及親死始而猶幸其生焉未忍脫之三日之


後則幸生之心已矣脫之可也故喪大記諸侯小斂脫

鬖既夕禮士既殯脫鬖鬖毛長而特出者也故凡物長

所謂鬖鬖皆謂之鬖禮記所謂鬖鬖皆長毛也

總

組總



錦總




布總




內則曰櫛纚并總則纚韜髮也總束髮也玉藻曰童子
 錦束髮喪服女子在室為父布總六寸女子適人
 者為其父母婦為舅姑妾為女君君之長子布總檀弓
 曰南宮縚之妻為姑總八寸士喪禮璿用組乃并然則
 總或以錦或以布或以組吉凶之禮異也婦人總或六
 寸或八寸出於紒後所為飾者異也謂之總以既束其
 本又總其末也孔穎達曰暮總八寸大功總亦八寸總
 麻小功同一尺吉總當尺二寸此不可考

明衣



明衣之裳



出襲裘帶經而入曾子曰我過矣我過矣夫夫是也夫子曰始死羔裘玄冠者易之而已羔裘玄冠不以帛以不吉服練鹿裘衡長祛祛楊之可也祛楊表裘也有晏子一狐裘三十年月令孟冬天子始裘內則男子二十而冠可以衣裘帛玉藻惟君黼裘以誓省大裘非古也大裘羔裘也黼裘以羔與狐白雜君衣狐白裘錦衣以楊之君之右虎裘厥左狼裘士不衣狐白君子狐青裘豹褰玄綃衣以楊之麀裘青豭裘絞衣以楊之羔裘豹飾緇衣以楊之狐裘黃衣以楊之錦衣狐裘諸侯之服也犬羊之裘不楊不文飾也不楊裘之楊也見羔也服之襲也充羨也帛則襲不盡飾也君在則楊盡飾也無事則楊弗敢充也童子不裘不帛禮不盛服不充故大裘不楊學記曰良治之子必學為裘喪大記帛者襲裘加武帶

經與主人拾踊詩羔羊曰羔羊之皮素絲五緇緇數也

絲以羔羊之革素絲五緇緇縫也羔羊之縫素絲五總總數也

也旄立責衛伯也狐裘蒙戎匪車不東鄭羔裘刺朝也

羔裘如濡洵直且侯羔裘豹飾孔武有力羔裘晏兮三

英粲兮三英三德也晉羔裘刺時也羔裘豹祛自我人居居

位羔裘大夫之服羔裘豹褰自我人究究蕭葭曰君子至

止錦衣狐裘毛曰狐裘檜羔裘曰羔裘逍遙狐裘以朝

羔裘翱翔狐裘在堂羔裘如膏日出有曜豳七月一之

日取彼狐狸為公子裘都人士曰彼都人士狐裘黃黃

大東曰舟人之子熊羆是裘舟曰舟舟楫之人鄭曰家


語大裘以黼之論語曰羔裘玄冠不以帛緇衣羔裘素

衣麀裘黃衣狐裘褻裘長短右袂狐貉之厚以居又

曰公西華乘肥馬衣輕裘又曰衣敝緼袍與衣狐貉者

立而不取者其由也歟子路曰願車馬衣輕裘荀子曰
若挈裘領誦五指而頓之順者不可勝數也淮南子曰
夏之不被裘非愛之也燠有餘於適也冬之不用裘非
簡之也清有餘於適也左傳曰東郭書哲憤而狸製
又曰臧之狐敗我於狐駘又曰蔡昭侯如楚持羔裘二
又曰渾良夫紫衣狐裘列子曰榮啓期被裘帶索林類
底春被裘拾遺穗又曰北國之人鞞巾而裘中國之人
冠冕而裳

鄭氏曰以
黼裘羔與狐白
雜為黼文




周禮獻皮以掌皮攻皮以裘氏獻裘以司裘司裘為大
裘以共王祀天之服中秋獻良裘季秋獻功裘鄭氏

曰良裘因其良時而用之所謂黼裘與功裘人功微麤
 謂狐青麤裘之屬黼裘以羔與狐白雜為黼文然則
 良裘其質美功裘其功多良裘非特黼裘而功裘非特
 狐青麤裘古者行禮之裘必以羔與麤燕居之裘必以
 狐與貉故詩以羔裘逍遙狐裘以朝刺不自強於政治
 則黼裘不雜以狐白矣惟君黼裘以誓省後世有用大
 裘故記者譏之曰非古也何則祀天尚道故以大裘誓
 省尚義故以黼裘誓則前期十日大宰帥執事卜日遂
 戒是也省則前祭一日大宰及執事祗滌濯宗伯大祭
 祀省牲祗滌濯是也司寇大祭祀納亨前王郊特牲一
 之曰王立于澤親聽誓命則王於誓省皆與之也先王
 制禮盟重於誓誓幣貴於未將則禮常嚴於未然之前
 祭祀治官以治之刑官以蒞之則義常肅於行禮之際

則黼裘以誓省宜矣家語合大裘黼裘為一則曰大裘
 黼之以象天鄭氏改省為獮則曰黼裘以誓獮田然大
 裘純色無白黑之文獮田在秋非用裘之日二者之說
 誤矣


羔裘



王大裘以祀天諸侯羔裘以朝先儒皆曰黑羔裘也蓋羔取其有禮羣而不黨乳而不跪黑取其合道以道行禮以禮成道固先王之所尚也然大裘尚質羔裘有文故詩曰羔羊之皮素絲五紕羔羊之革素絲五緇羔羊之縫素絲五總毛氏曰古者素絲以英裘紕總數也爾雅曰緇縫也孫炎曰緇界也蓋羔裘以素絲為組施於縫中以為英飾其界有緇有緇其別為紕其聚為總而又飾之以豹此所以與大裘異也羔裘豹飾狐青裘豹褻麕裘青豸褻何也豹取其武而有文青豸取其仁而能守武而有文諸侯視朝之事也仁而能守天子視朝之事也狐青以燕居褻亦以豹則武而有文亦非燕居之所可忘也詩曰羔裘豹飾孔武有力又曰羔裘豹祛自我人居居其託物同而意異者義德一也善

用之則為武不善用之則為暴夫言豈一端而已哉先儒謂凡裘天子諸侯用全其巨則褻飾異焉然天子諸侯之用全特狐白裘而已欲其純白之備也至於麕裘羔裘則上下之所司非無飾也若曰求衣以用全為貴則狐黃之裘無異褻犬羊之裘無異飾而賤者或服之何耶


麕裘青豸褻也



爾雅曰鹿牡麀牝麀其子麀麀即麀也詩曰呦呦鹿鳴
食野之苹又曰鹿斯之奔維足伎伎則鹿之爲物善接
其類而麀尤出於天性故先王取焉玉藻曰鹿辟裘衣青
豸裘絞衣以裼之孔子曰素衣麀裘鄭氏釋聘禮曰
麀裘皮弁然則皮弁素積而麀裘素衣以裼之則絞衣
素衣也鄭氏釋禮記又曰絞蒼黃之色其說無據記曰
裘之裼也見美也服之麀裘也充美也則袒而見裘曰裼
拵而充裘曰襲素衣麀裘則麀裘衣之上素衣其正服也
緇衣羔裘則羔裘之上緇衣其正服也黃衣狐裘錦衣
狐裘蓋亦若此鄭氏崔靈恩之徒以爲袒而有衣曰裼
若然裘之上有裼衣裼衣之上又有正服則是裼襲在
衣不在裘而經言裼裘龍裘裘何耶檀弓曰練練衣黃
重練緣鹿衣衡長祛祛裼之可也其裼之也亦裼受

服以見鹿裘之美而已鄭氏曰鹿裘之裼亦用絞乎是
鄭氏亦自疑而不必其說也詩曰衣錦尚褻蓋惟錦加
綢以惡文著餘衣固不然也昔衛侯戒渾良夫食良夫
紫衣狐裘至袒裘而食則所袒者紫衣耳抑未聞紫
衣之外復有衣也

鹿裘長祛



禮記練鹿裘衡長祛祛裼之可也列子曰孔子見榮啓
期行乎郕之野鹿裘素帶啓期之服固不足論練用鹿
裘何也禮始喪則居廬自屏旣練則可以接物鹿善接
其類者也故裘用焉周禮旣練乘藻車鹿淺禛與此同
義鹿裘祛裼之則裼其祛而已非若餘衣之袒也鄭氏
曰有祛而裼之備飾也鹿裘亦用絞乎理不然也

禮書卷第十二終

